

«Ҳаж - 2025» мавсуми 13 май кунидан бошланади



14:58 / 03.05.2025 1822

Ўзбекистондаги 2025 йилги Ҳаж мавсуми шу йил 13 майдан бошланади. 28 майга қадар ҳар куни юртимиздан Саудия Арабистонига авиақатновлар амалга оширилади.

Зиёратчилар юртимизнинг 9 та ҳудудидаги Тошкент, Бухоро, Наманган, Самарқанд, Қарши, Термиз, Урганч, Навоий ва Нукус шаҳарларидаги аэропортлар орқали Мадина шаҳрига тўғридан-тўғри учади.

Авиапарвозлар Uzbekistan Airways билан бирга FlyNas ва FlyAdeal авиакомпаниялари томонидан амалга оширилади.

Ҳаж тадбирларини ташкил этиш бўйича тайёргарлик ишлари жадал давом этмоқда:

- Зиёратчилар тиббий кўриқдан ўтказилди;
- Эмлаш ишлари олиб борилди;
- Гуруҳ раҳбарлари ва шифокорлар бириктирилди;
- Сафар олдидан амалий машғулотлар ташкил этилди;
- Ҳужжатлар расмийлаштирилди.

Шунингдек, ҳар бир зиёратчига қуйидагилар тақдим этилмоқда:

- «Ҳаж – буюк ибодатдир» қўлланмаси, сумка, нимча, термос, соябон, сим-карта ва қувватлагич.

Айни пайтда гуруҳ раҳбарлари зиёратчилар билан Ҳаж амаллари бўйича суҳбатлар олиб бормоқда.